



## МЕСЯЦА НОЯБРЯ В 25-Й ДЕНЬ


Иже во святых отец наших  
и священномученик Климента, Папы Римского,  
и Петра Александрийского

ЗРИ

В сей день отдается праздник  
Введения (Входа) Пресвятыя Богородицы.

На Господи, воззвах:  
стихиры праздника, глас 1.

Подобен: О, дивнаго чудесе!



несь, вернии, ликовству́им, / во псалмех и  
песнях Господеви поюще / и чтуще Того  
священную сень, / одушевленный кивот, /  
невместимое Слово вместившую, / приво-  
дится бо Господеви, / паче естества плоти  
младенствующи, / и святитель великий  
Захария / приемлет с веселием Сию, яко Божие  
жилище.

Днесь храм одушевленный святыя славы / Хри-  
ста Бога нашего, / едина в женах благословенная  
Чистая, / приводится в храм законный жити во  
святых, / и радуются с Нею Иоаким и Анна духом, /  
и девственнии лица Господеви поют, / псаломски  
воспевающе и чтуще Матерь Егб.

Ты, пророков проповедание, / апостолов слава,  
и мучеников похвала, / и всех земнородных обнов-  
ление, / Дево Мати Божия, / Тобою бо Богу прими-  
рихомся. / Темже чтим Твое в храм Господень  
вхождение / и со Ангелом вси песенно, / радуйся,  
Тебе, Пречистая, вопиём, / Твоими молитвами  
спасаеми.

## Ины стихиры святого Климента, глас 2.

Подобен: Егда от Древа:

**Розга** лозы жизненные быв, / отче иерарше, / красныя изнесл еси грозды Духом догматов, / всеумудре, / каплющая всегда спасительное вино Божественнаго познания / и веселящая всех благочестивых сердца, / истинно ты чтущих, / Клименте Богоносне всеблаженне.

**Петра** верховнаго ученик, отче, быв, / на камени того создал еси, / яко камень честный, тебе самаго, всехвальне, / твердостью словес твоих / все развратил еси здание многобожное, / храмы же воздвигл еси Божественныя в честь Троицы, / о Нейже подвизался еси, блаженне, / и мучения венец приял еси.

**Якоже** светодательное солнце, / от западов возсиял еси, отче, / просвещая землю / зарею догматов твоих и ранами светло, / постигл же еси страны восточныя, треблаженне, / зашел еси, умерщвляемь, / и возсиял еси, Клименте, ко Христу, / и тамо сущими лучами богато, / непрестанно по Божественному причащению просвещаемь.

## Слава, и ныне, глас 8:

**По** рождестве Твоем, Богоневесто Владычице, / пришла еси в храм Господень / воспитатися во святая святых, / яко освящена, / тогда и Гавриил послан бысть к Тебе, всенепорочней, / пищу Тебе принося, / Небесная вся удивившася, / зряще Духа Святаго, в Тя всельшася. / Темже, Пречистая и нескверная, / яже на Небеси и на земли славима, / Мати Божия, спаси род наш.

**На стиховне стихиры праздника, глас 5 (зри страницу 172) Стиховна святого Петра, глас 1.**

Подобен: Небесных чинов:

**Пресущныя** Троицы Единосущное преотмщая, всеблаженне, / яко Несозданныя Единицы, / Ария низложил еси, / показав нам Сына нераздельное, / яко Тогожде суца Отцу и Духу Божества.

**Стих:** Священницы Твои облекутся правдою, / и преподобнии Твои возрадуются.

**Гонящих** преста убийственное стремление, / кровей лияние ныне в неявленное скончася, / обоя

запечаташася, Петре мудре, / священным твоим свидетельством, / яко ѓтрочищу Моисееву ста течение, / камыком Сепфѳоры иногда.

**Стих:** Блажен муж, бойся Господа, / в заповедех Его восхощет зело.

**Пастырски** пожив, священномучениче Христов, / мученическия подвиги показал еси доблественно, / един чрез обоя венец прием, / обоюду украшаемь, / священством и болезнями страдальческими, / сего ради моли спастися нам.

**Слава, глас 4. Самогласен:**

**Рукою** Божиею помазався во иерея, / верховнаго соименне, и дела, сопричастниче, / словесныя овцы Евангельскими препитал еси злаками, / яко мудр и истинен пастырь, / и Мѳрка преемник достойно показался еси, / страстотерпческою кровию веры течение совершил еси, / о людех предпожерся, и Христу сообразуяся, / молися о душах наших.

**И ныне, глас 6:**

**Днесь,** собѳри верных, сошедшеся, / духовне да торжествуим / и Богоотроковицу Дѳву и Богородицу, / в храм Господень приводиму, / благочестно восхвалим, / предъизбранную от всех родов, / во обителище всех Царя Христа и Бѳга; / дѳвы, свещи носяще, предъидите, / Приснодѳвы чтуще честное происхождение, / матери, печаль всю отложивше, / радостно споследуйте Матери Бѳга бывающей / и радости мира ходатаице. / Все убо радостно, еже радуяся, / со Ангелом возопийм Обрадованней, / присно молящейся о душах наших.

**Тропарь Климента и Петра общих, глас 4:**

**Б** ѳже отец наших, / творяй присно с нами по Твоей кротости, / не отстави милость Твою от нас, / но молитвами их / в мире управи живот наш.

**Тропарь Климента, глас 4:**

**И** же от Бѳга чудодѳвствы / преславно удивляя вселенныя концы мира, / священный страдальче, / паче естества морю составы водам содеваеши разделение / в честней памяти твоей / всегда притекающим усердно в Богозданную ти церковь / чудесным твоим мощем, / и по всенародном

хождѣнии / море во еди́но течѣние чудодѣтельны  
творѣши, / Кліменте предѣвный, / моли́ Христа́  
Бо́га спастѣся душамъ нашимъ.

**Тропарь Петра, глас 8.**

Подобен: Премудрости:

**О**т вѣшняго судá Христо́ва предстáтельствова  
ста́ду, / на пáжитехъ благожѣзненныхъ упáсл еси́  
всемудрыми твоими́ догмáты, / отгна́в Ария, я́ко  
во́лка некрóткаго, / вшѣдшаго в нихъ безбо́жными  
учѣнии. / Тѣмже и дѹшу твою́ положи́л еси́ за нихъ, /  
пáстырь нарѣклся еси́, я́ко рече́ Господь, / иерáр-  
ше Пѣтре блаженне, / моли́ Христа́ Бо́га грехо́в  
оставлѣние даровáти / чтѹщимъ любóвию святу́ю  
пáмять твою́.

**Слава, и ныне.**

**Тропарь праздника:** Днесь благоволения Божия  
предображѣние: *(зри страницу 173).*

**НА УТРЕНИ**

**На Бог Господь: тропарь праздника, дважды.**  
**Слава, святых: Боже отец наших: И ныне, праз-**  
**дника.**

**По 1-м стихословии седален, глас 1.**

Подобен: Лик Ангельский:

**П**раведныхъ плодъ Иоакима и Áнны принóсится  
Бо́гу во святѣлице святóе, / плóтию младѣнству-  
юще, Питáтельница жѣзни нашей, / Ю́же благосло-  
вѣ священнѣй Захáрия, / Сию́ вси́ я́ко Мáтерь  
Бо́жию вѣрно да ублажимъ.

**Слава, и ныне, тойже.**

**По 2-м стихословии седален, глас 4.**

Подобен: Удивѣся Иосиф:

**П**рѣжде зачáтия, Чѣстая, освятѣлася еси́ Бо́гу /  
и, рóждшися на землѣ, дар принеслáся еси́ ны́не  
Емѹ, / исполняюще отѣческое обещáние: / в Божѣ-  
ственномъ же храмѣ, я́ко сѹщо Божѣственный  
храм, / от младѣнства чѣсте со свещáми свѣтлыми  
отданá бѣвши, / явилáся еси́ приятелице непри-  
стѹпнаго и Божѣственного Свѣта. / Вели́ко во-  
ѣстинну предшѣствие Твое́, еди́на Богоневѣсто  
и Приснодѣво.

**Слава, и ныне, тойже.**

**Таже канон праздника со ирмосом на 6 и святых оба канона на 8. Канон праздника, глас 1.**

**Песнь 1**

**Ирмос:** Песнь побѣдную поим вси Бóгу, / Сотворшему дѣвнѣя чудеса мѣшцею высокою / и спасшему Израїля, яко прослѣвися.

Стецѣмся днесъ, Богородицу почитающе пѣсньми, / и торжествуим духовный прѣздник, / в храм бо Бóгу дар приносится.

Пѣсньми да воспойм Богородицы славное предшѣствие, / к храму бо днесъ, яко храм Бóжий, / приносится пророчески дар многоцѣнный.

**Троицен:** Трѣице единосущная, Отче, и Слове, и Душе Святѣй, / Тя вѣрно славим яко Творца всех / и Тебѣ вопиѣм благочѣстно: спаси ны, Бóже.

От багра кровей Твоих червленицею, Пречистая, одеаяся, / прошѣд, обнови Царь и Бог род весь человѣческий / благоутробием Своим.

**Ин канон святаго Климента. Творение Феофаново. Глас 8.**

**Песнь 1**

**Ирмос:** Воду прошѣд, яко сѣшу, / и египетскаго зла избежав, / израїльтянин вопияше: / Избавителю и Бóгу нашему поим.

От Петра Божественнаго научився, апóстолов верховнаго, / и от него навѣк Божественное знаніе, отче, / идольскую лѣсть обличил еси.

Лозу Богонасаждену на земли, / плоды добродѣтельныхъ учений всеблагочестивыхъ Христосъ ты предлагаѣт, / истинно сущий цветущъ виноградъ.

Во вся концы протечѣ / воистинну Божественныхъ повелѣний твоѣ вещаніе, Кліменте мудре, / и вся просвети Трѣицу Богословити во единствѣ Божества.

**Богородичен:** Се проречѣнія пророческая о Тебѣ приѣша конѣцъ воистинну, / Слово бо без семѣне зачѣнши, Богородительнице, / плотию родила еси.

**Ин канон святаго Петра, егоже краегранесие: Восхваляю трибогатаго Петра. Творение Феофаново. Глас тойже.**

### Песнь 1

**Ирмос:** *Поим Гóсподеви, / провѣдшему люди  
Своѣ сквозѣ Чермное море, / яко Един славно  
прославися.*

Во светлѣйших селѣниих житиѣ имѣя, / просве-  
щѣние ми подаждь / молитвами твоими, Пѣтре  
всѣблаженне.

Знанию научѣн и священством украшаемь, /  
всѣблаженне Пѣтре, / Христу принеслся еси  
крóвию.

Утварь упещрѣнная, / якоже многоцѣнное воз-  
ложѣние, Христовѣ Цѣркви / от Бóга даровался  
еси, блаженне.

**Богородичен:** *Пречистая Богородице, / вопло-  
щѣнное, Присносущное и Пребожественное Слово  
пáче естества рóждшую, / поѣм Тя.*

**Катавасия:** *Христос раждается:*

### Песнь 3

**Ирмос:** *Да утвердится сердце мое в воли Твоей,  
Христѣ Бóже, / иже над водами Небо утверждѣй  
второе / и основавый на водах зѣмлю, Всесильне.*

Торжествуим, празднóлюбцы, и срадуимся дý-  
хом, / во святѣм празднице учреждающесе днесь  
Дщѣре Царѣвы / и Матѣре Бóга нашего.

Иоакиме, радуйся днесь, и веселися, Анно,  
дýхом, / рóждѣнную из вас Гóсподу приводяще  
трилѣтствующу, / яко Юницу чисту, всенепорóч-  
ную.

**Троицен:** *Свет Отец, Свет Сын Егó, Свет Дух  
Утѣшительный, / яко от Сóлнца бо Единаго Трó-  
ица, сияюще, Божественно озаряет / и соблюдает  
дúши наша.*

Тя прорóцы проповѣдаша кивóт, Чистая, свя-  
тыни, / кадильницу златую, и свѣщник, и трапѣзу, /  
и мы яко Боговместимую Скинью воспѣваем Тя.

### Ин

**Ирмос:** *Страх Твой, Гóсподи, / всади в сердца  
раб Твоих, / и буди нам утверждѣние, / Тя во  
истине призывающих.*

Богáтно излися Дýха благодáть в твоѣ устна,  
мúдре, / ёуже вся просветил еси Божественными  
твоими учѣнии / и Христу привѣл еси.

Огнём воздержания ты попалил еси страстей  
огнепальная стремления / и храм себе совершив /  
Духа Божественного, добле мудренне отче.

На гору Божественных добродетелей возшед / и  
мраком покрывся разумным, / узрел еси неизре-  
ченную в чистей души твоей духовную зарю.

**Богородичен:** Неизреченно зачала еси, Пречи-  
стая, Спаса и Господа, / избавльшаго нас от  
лютых, / Тя во истине призывающих.

**Ин**

**Ирмос:** Несть свят, яко Господь, / и несть  
праведен, яко Бог наш, / Егже поет вся тварь: /  
несть праведен, паче Тебе, Господи.

Возшел еси, ездя, яко на колеснице, / твою  
кровию, премудре, к Небесным, / идеже предтеча  
наш Христос вниде, един безгрешный.

Жизнь тленную оставил еси / и жизнь безсмерт-  
ную обрел еси, блаженне, / идеже венценосец  
ликуюши, моля спастися душам нашим.

Якоже финикс процвел еси благоплоднейший, /  
яко маслина плодородна явилася еси, Богодохно-  
венне, во дворех Господних, / яко смирна и ливан и  
яко миро благовоннейшее.

**Богородичен:** Яко двери спасительныя и рай  
красный, / Света присносущнаго облак, / сущу  
святую Деву воспоем вси, глаголюще Ей:  
радуйся.

**Кондак Климента и Петра общий, глас 4.**

**Подобен:** Явился еси днесь:

**Ц**еркве недвижими и Божественни  
пиргове\*, / благочестия Божественни стол-  
пи войстинну крепцы, / Клименте с Петром  
всехвальни, / вашими молитвами соблюдайте вся.

**Кондак Климента, глас 2.**

**Подобен:** Твердыя:

**Б**ожественнаго винограда священноодеянна /  
всем лоза явися, / каплющи сладость премудо-  
сти, / молитвами твоими, всечестне, / да тебе исткану,  
яко багрянцу, / песнь мысленную принесем, /  
Клименте святе, / спаси рабы твоя.

\* пиргове — башни, крепости

### Икос Климента.

Подобен: Уясни ми:

Како возмогу аз, странный, / воспети и глаголати подвиги ныне Божественнаго священномученика? / како в море ввержен бысть и глубине предан бысть морстей, / но Христос Бог, Егоже возлюбил вельми, / даст и паки возлюбившим, яко дар многоценный, / и отроча даст родителема, светло играющее, / и спаси скоро рабы твоя.

### Кондак Петра, глас 3.

Подобен: Дева днесь:

Православными повелении Церковь просветил еси, / за нуже и пострадав, Богоблаженне отче, / Ария отступника отгнав, / темже твою пречестную память совершающе, / православно вопием: / радуйся, Пётре, каменю вере.

### Икос Петра:

В дивней Александрии потщима шествовати умом / и узрим великая странная, тамо совершаема, / како на жертву себе предлагает, яко овча незлобивое, / первосвященник и великий поборник Пётр / и ныне созывает нас zde, и святую свою главу предложив, якоже снедь честную, / еяже насладившися вси, православно возопием: / радуйся, Пётре, каменю вере.

### Седален Климента глас 4.

Подобен: Явился еси:

Воссияв, якоже солнца заря, / и блистаеши, преподобне, всему миру светло учении твоими, / Богогласе Клименте светоносне, мучеников похвало.

### Ин седален Климента, глас 8.

Подобен: Премудрости:

Яко многоплодна лоза, на земли прострен мук пресечением, / красныя возрастил еси, досточудне, грозны \*, / спасеныя сладости принесё, иskapлюща и сердца всех верных веселяща. / Тем, сошедшися, святую твою память творим, радующеся, / и Христа величаем: / святителю многострастне, моли Христа Бога спастися душам нашим.

\* грозны — кисти зрелого винограда



**Седален Петра, глас 8, тойже, что и тропарь: От Вышняго суда: ( зри страницу 326).**

**И ныне, праздника, глас 4.**

**Подобен: Удивися Иосиф:**

**Непорóчная Агница и несквѣрный чертог, / в дом Бóжий Богорóдица Мариám с весѣлием ввóдится преслáвно, / Юже Ангели Бóжии доринóсят вѣрно, / и вси вѣрнии блажáт присно / и благодарственно пою́т Ей непрестáнно вѣлиим глáсом, / нáша слáва и спасѣние Ты еси́, Всенепорóчная.**

#### **Песнь 4**

**Ирмос: Дúхом провída, прорóче Аввакуме, / Словесѣ воплощѣние, проповѣдал еси́, вопия́: / внегда́ прибли́житься лѣтом, познáнешися, / внегда́ приити́ врѣмени, пока́жешися. / Сла́ва силе Твоѣй, Гóсподи!**

**Прорóче Исáие, прорцы́ нам, Дѣва кто есть, / имúщая во чрѣве? / Яже из Иúдина кóрене прозя́бши / и рóждшися из Дави́да Царя́, / сэмене свята́го плод благослáвный.**

**Начина́йте, дѣвы, и воспóйте пѣсни, / рука́ма держа́щи свещи́, чистыя Богорóдицы предше́ствие хва́ляще, / ны́не грядúщия во храм Бóжий, кúпно с нáми прáзднующи.**

**Троичен: Трóицу ли́цы, Ед́иницу óбразом, благочѣстно слáвим Бóга и́стинна, / Егóже пою́т Ангельская́ и Архангельская́ чиноначáлия / я́ко твáри Влады́ку и челове́цы, вернó поклоня́ющесея присно.**

**Моли́ непрестáнно, Пресвятáя Чистая, / Егóже плóтию родила́ еси́, Сы́на Твоегó и Бóга, / от многооб́разных сѣтей диáволих и от вся́ких искушѣний находя́щих / вся избáвити рабы́ Твоя́.**

#### **Ин**

**Ирмос: Ты моя́ крѣпость, Гóсподи, / Ты моя́ и сила, / Ты мой Бог, Ты моѣ ра́дование, / не оста́вль нѣдра Отча́, / и нáшу нищету́ посетив. / Тем с прорóком Авваку́мом зовú Ти: / силе Твоѣй сла́ва, Человеколю́бче.**

**От за́пада пришѣд, блажѣнне, к востóку, / Петру́ примесил́ся еси́ апóстолу: / и тогó Божѣственными́ светлостьми́ и учѣнии просвещáемь, / с ним возве-**

щая спасительное Слово, / западную всю протекл еси страну.

**Другий Моисей, Клименте мудре, был еси, / законы Божественныя всем излагая / и священная пища учения, и церковное все вчиняеши исполнение. / Отсюда законоположника ты и учителя вси имуще, верою чтим.**

**Постническими поты очистився, / священноначальник, блаженне, явился еси, / к благочестивей вере Христовей вся возводя Божественными твоими сказаниями, / пострадав же законно, / подобне болезни сплетё венёц, приснопамятне.**

**Богородичен: С Богом Ты заступницу стяжанием, / Ты бо Мати Божия была еси Творца и Содетеля, / наш образ приемша, Пренепорочная, / и Того спаса от тли и смерти и славою Божественною прославляшаго.**

**Ин**

**Ирмос: Из горы приосененныя, Слове, пророк, / единыя Богородицы, / хотяща воплотиться, Боговидно усмотри, / и со страхом славословяше силу Твою.**

**Добродетелей шествовав стезею, отче, / постигл еси обители вышния, Богоносне, / священства помазанием украшен и мучения сияя кробию.**

**Тучами потоков твоих кровей, блаженне, / угасил еси пещь прелести / и гонящих погубил еси мрак, священномучениче достославне.**

**Новый Петр некий нам явился еси, / истинно апостольскими сияя дарованиями, / священнодатель же и свидетель страстей Владыки твоего, всебогате.**

**Богородичен: Всех добрых исполнение рождши, / исполни наша, Дево, моления, / грехов нам избавления просящи, / и просвещения, и велия милости.**

**Песнь 5**

**Ирмос: Светлый нам возсияй свет присносущный, / утренюющим о судьбах заповедей Твоих, / Владыко Человеколюбче, Христе Боже наш.**

**Да светлосим, православнии, вси стекающиеся и славяще Богоматерь, / яко Господу днесь приводится, яко жертва благоприятна.**

Да веселятся праотцы днесь, Владычице, / и да радуется рождающая Тя со отцем Твоим, / яко плод их Господу приносится.

**Троицен:** Пребезначальное и Присносущное Единое Божество славословяще, поклонимся, / Трём Лицам естеством Нераздельное / и славою Равночестное.

Пристанище благоутешное / и необоримую стену стяжанием — молитву Твою во обстояниях \*, Богородительнице, / всегда избавляеми бед и скорбей.

**Ин**

**Ирмос:** Просвети нас повелении Твоими, Господи, / и мышцею Твоею высокою / Твой мир подаждь нам, / Человеколюбче.

Во свете заповедей ходя Господних, / чадо воистинну явился еси Того, блаженне, неложное.

Всего на земли ты отрелся еси пристрастия, священноначальниче, / да будущее благославие получиши и светлости славы Христовы.

Мученическими украшен светлостью, / со Ангелы ныне предстоиши Владыце, / о поющих молися.

**Богородичен:** Мати Божия, / верую Тя поющая от бед избави молитвами Твоими, Дево, / яко Ты предстательницу вемы \*\*, Чистая.

**Ин**

**Ирмос:** Утренююще, вопиём Ти: / Господи, спаси ны, / Ты бо еси Бог наш, / разве Тебе, иного не вемы.

На камень возшед веры, страстотерпче, / неуклонен пребыл еси во искушении сопротивных.

Оружием пламенным Духа Святаго, иерарше, / Ария вредословца Божественным судом заклал еси.

Крепостию укрепляемь, славне, Спасовою, / вражью силу и крепость попрал еси.

**Богородичен:** Деву по рождестве, поём Тя, Богородице, / Ты бо Бога Слова плотию миру родила еси.

\* во обстояниях — в осаде, в нападении, в беде

\*\* вемы — знаем

### Песнь 6

**Ирмос:** Проро́ка Ио́ну подража́я, вопи́ю:/ жи-  
вот мой, Бла́же, свободи́ из тли / и спаси́ мя, Спа́се  
ми́ра, зову́ща: сла́ва Тебе́.

Пра́зднуим, ве́рнии, пра́здник духо́вный Ма́те-  
ре Бо́жия, / воспева́юще благоче́стно:/ есть бо  
святе́йша Небе́сных умо́в.

Пе́снями духо́вными восхва́лим, ве́рнии, Ма́-  
терь Све́та, / я́ко днесь нам яви́ся, предходя́щи в  
храм Бо́жий.

**Трои́чен:** Оте́ц, и Сын, и Ду́х пра́вый, / Триипо-  
ста́сная Еди́нице и нераздели́мая Трои́це, / поми́-  
луй покланя́ющияся Боже́ственной держа́ве  
Твое́й.

Во чре́ве Твое́м вмеще́н Невмести́мый все́ми,  
Богома́ти, / быв, из Тебе́ произы́де, Пречи́стая, /  
сугу́б естество́м Бог и Чело́век.

### Ин

**Ирмос:** Очи́сти мя, Спа́се, / мно́га бо беззакони́я  
моя́, / и из глуби́ны зол возведи́, молю́ся, / к Тебе́ бо  
возопи́х, и услы́ши мя, / Бо́же спасе́ния моего́.

Ре́вностию разжже́н Господни́ любве́, му́дре, /  
идольскую́ лесть обличи́л еси́ кре́пко словесными́  
противле́нии / и чуде́сными явле́нии, всехва́льне.

Недрема́нно соблю́л еси́ око́ се́рдца твоего́, / за  
злобу́ ника́коже воздрема́в, сла́вне, / Боже́ствен-  
ными восхожде́нии вчиня́я добродете́лей к вер-  
хо́вному.

Я́ко иера́рх че́стен, / вяза́ти и реши́ти прегреше́-  
ния вла́сть при́им от Спа́са Христа́, / мно́гих мои́х  
прегреше́ний дол́г разреши́, возводя́ к пока́йнию.

**Богородиче́н:** Твои́ми мольба́ми, Чи́стая, / бед и  
напа́стей исхити́ мя лю́тых и изба́ви мя, молю́ся, /  
Ты бо стена́ еси́ неразруши́ма, / и приста́нище, и  
покро́в, / и необори́мое утвержде́ние.

### Ин

**Ирмос:** Ри́зу мне пода́ждь све́тлу, / одея́йся  
све́том я́ко ри́зою, / многоми́лостиве Христе́, Бо́же  
наш.

Целому́дренно и пра́ведно Бо́гу ты жи́тельство-  
вав, / коне́ц блаже́нный от Него́ прия́л еси́, всебла-  
же́нне Пе́тре.

**В**сесовершенствою жёртву и приятну, / тебе самаго принёсл еси, Пётре дивный, / жёртва тебе ради бывшему Богу.

**С**ловес духовных исполнися, / Духом движимь орган был еси, / песнопоя, Богоглаголиве, неизречённая.

**Богородичен:** Едина словом плотию Слово рождающая, / избави, молимся, сетей вражиих души наша.

#### Кондак, глас 4.

Подобен: Вознесыйся:

**П**речистый храм Спасов, / многоценный чертог и Дева, / священное сокровище славы Божия, / днесь вводится в дом Господень, / благодать соводящи, / яже в Дусе Божественном, / Юже воспевают Ангели Божии: / Сия есть селение Небесное.

#### Икос:

**Н**еизречённых Божиих и Божественных таин зря, / в Деве благодать являемую и исполняему явственно, / радуясь и образ разумети недоумеюся страный и неизречённый: / како избранная Чистая едина / явися паче всей твари видимая и разумеваемая? / Темже восхвалити хотя Сию, / ужасаюся зело умом же и словом, / обаче дерзая, проповедаю и величаю: / Сия есть селение Небесное.

#### Песнь 7

**Ирмос:** Пещь, Спасе, орошашеся, / отроцы же, ликующе, пояху: / отцев Боже, благословен еси.

**Л**иковствуим, празднлюбцы, днесь, / воспойм чистую Владычицу, / Иоакима и Анну достойно чтуще.

**П**ророчествуй, Давиде, глаголя Духом: / приведутся девы в след Тебе, / приведутся Тебе во храм Царицы Матери.

**Троицен:** Прославим Троицу нераздельную, / воспойм едино Божество, / со Отцем Слово и Духа Всесвятаго.

**М**оли, Егоже родила еси, Господа, / яко благоутробна естеством суща, Богородительнице, / спасти души воспевающих Тя.

**Ин**

**Ирмос:** **Отроцы** благочестівиі в Вавилоне/  
образу златому не поклонішася, / но посереді пещи  
огненныя, орошаєми, / песнь воспєваху, глаголю-  
ще: / превозносимый отцев и нас Бже, благосло-  
вен еси.

**Я**коже утро, возсиял еси, / просвещая земли вся  
концы / и ночь прелестную отгоня, Богогласе,  
идольскаго безбожия, / благословен еси, вопия,  
Бже отец наших.

**В**ся спасти хотя Бог твоими молитвами, / про-  
зрение дарова Сисинию, / и души, и телеси очеса  
отверз, отче, / оттуду просвещается Божествен-  
ною банею.

**Струи** исцелений точиши от Божественныя  
твоея раки, Клименте славне, / страстей многих  
избавляеши всегда притекающия к тебе и по-  
ющия: / благословен Бог отец наших.

**Богородичен:** Подобаше без семени воплоща-  
емому из Тебе пройти, Дево пречистая, / Ты бо  
возрасла еси всех, Чистая, пребольша. / Темже Ти  
непрестанно зовем: / благословен Плод чрева  
Твоего.

**Ин. Ирмос тойже.**

**Ж**итием Боголепным украшен / и Божествен-  
ным светом просвещаемь, / небесных в неходная  
вшел еси, веселяся и вопия, мудре, Сотворшему: /  
благословен Бог отец наших.

**Я**ко да пресветло благоугодиши Христу Богу,  
Богоблаженне, / в руки беззаконных тя самого  
предал еси волею, поя, пребогате: / благословен  
Бог отец наших.

**В**есь просвещен, сподобился еси видети Хри-  
ста, / тебе показующа свою ризу, люте растерзану,  
истканную свыше, преподобне, / благословен еси,  
вопия, Бже отец наших.

**Богородичен:** **В**ся, яко чиста, прияла еси во  
утробе Твоей Слово воплощаемо, / но Того моли  
очистити ми прегрешений душу и тело, Пречи-  
стая, / к Тебе чистою верою пририщущаго.

## Песнь 8

**Ирмос:** *Егѡже ужасаются Ангели и вся воинства, / яко Творца и Господа, / пойте, священницы, прославите, отроцы, / благословите, людие, / и превозносите во вся веки.*

**Веселится** днесь светло Иоаким, / и Анна непорочная Господу Богу приносит жертву, / данную ей от обещания святу Дщерь.

**Хвалятся** святїи Давїд и Иессей, и Иуда чтится, / из корене бо их израстѣ плод, Дева чистая, / из Неяже родися Бог превѣчный.

**Троичен:** *Да поется Трисвятый, Отец, и Сын, и Дух Святый, / нераздельная Единица, едино Божество, / держащее дланию всю тварь во вся веки.*

**Безначальное** начинается Слово плотию, / родився яко благоволи, Бог же и Человек, из Отроковицы Девы, / возсиздая ны, прежде падшия, ради крайняго благоутробия.

### Ин

**Ирмос:** *Мусикійским органом согласующим / и людем безчисленным, поклоняющимся образу в Деире, / три отроцы, не повинувшися, / Господа воспеваху / и славословяху во вся веки.*

**Ученик** быв Петров, / Божественныя нравы того подражая, Клименте страдальче, / темже и престола преемник истинно показался еси, просвещая всю тварь.

**Тайно** очервленив твоя устна чашею мудрости, Клименте, / изрыгнул еси Божественных учений пучину, / потопляющую демонострашие, / душам же человеческим источающую спасение.

**Яко** пречестную утварь, Церковь, стяжавши твоя Божественная законоположения, / о тебе хвалится / и вся подвизает твою память верою почитати во вся веки.

**Богородичен:** *Маріе Дево Богородице, / Бога Спаса человеком рождающая плотию, / спаси верою поющая Твое Рождество / и превозносящая во вся веки.*

### Ин

**Ирмос:** *На горе святей прославльшася / и в купинѣ огнем / Приснодевы Моисеови тайну явльшаго, / Господа пойте / и превозносите во вся веки.*

**Жирующую соскутал\*** еси пагубу / Ариева злейшаго хуления, от верных соборища отсек / и отгнав церковных, Богомудре, оград.

**Первостоятель** лика Ангельскаго Петр явился, / Божественный верховник, столп же мучеников был еси, / всемудре Петре Богоносе, / и священнодействитель Божественных таинств.

**Научився** от Божественнаго вдохновения будущих разуму, Богоглаголиве, / и еже от земли проуведев твое преставление мучением / к вышних Господу славы Христу во веки вся.

**Богородичен:** Во утробу Девы всельшагося / и от Нея страшно и паче слова древняго Адама обновльшаго, / Господа пойте и превозносите во вся веки.

**На 9-й песни Честнейшую: не поем, но поем припев праздника:** Величай, душе мой, / приведенную во храм Господень / и благословенную руками иереевыми.

### Песнь 9

**Ирмос:** Светоносный облак, в оньже всех Владыка, / яко дождь с небес на руно сниде / и воплотися нас ради, / быв Человек, Безначальный, / величаем вси яко Матерь Бога нашего Чистую.

**К сим тропарем тойже припев.**

**Из праведных** произыде Иоакима и Анны / обещания плод — Богоотроковица Марья, / и, яко кадило приятное, плотию младенствующи, / приводится во святилище святобе, яко святая во святых обитати.

**Младенствующую** естеством / и паче естества явльшуюся, Матерь Божию восхвалим песньми, / в храм бо законный Господу днесь приводится, / в воню благовония праведных, яко плод духовный.

**Троицен:** Величай, душе мой, / Триипостаснаго и нераздельнаго Божества державу.

**Триипостасное** Естество, и Нераздельную Славу, / и в Божестве единому непрестанно, / на Небеси и на земли Троицу неразлучную просла-

\* соскутати — обвить, окутать, одеть.



вим, / с Сыном Отцѹ и Дѹху поклоняющесея благо-  
честно.

**Величай,** душѣ моя, / честнѣйшую и слѣвней-  
шую Гóрних во́инств, Дѣву Пречистую, Богороди-  
цу.

**Под** Твое благоутрѣбие прибѣгающия вѣрно / и  
поклоняющияся благочестно Сыну Твоему, Дѣво  
Богородительнице, / яко Бо́гу и Гóсподу міра, /  
мо́ліся от тли и бед избáвити и всѣческих  
искушѣній.

**Ин**

**Ирмос:** *Воистинну Богородицу, / Тя исповѣду-  
ем, / спасѣннии Тобѡю, Дѣво Чистая, / с Безплóтны-  
ми лики Тя велича́юще.*

**Течѣние** твоѣ совершив многими пѡдвиги / и  
несомнѣнно соблю́д вѣру Христову, / праведным  
венцѣм украсился еси́.

**Яко** спасл еси́ отрока дрѣвле, / удержа́на в мѡри  
лѣтным обхождѣнием, мѹчениче Христов, / си́це  
глубины́ греховныя и менѣ спаси́.

**Любѡвию** ты чтѹщая, Кли́менте страстотѣрпче, /  
от напáстей, и бед, и скорбѣй спаси́, / мо́ля  
Зиждителя Христа́.

**Богородичен:** Рáдости моѣ сѣрдце испóлни,  
Дѣво, / я́же рáдости приѣмшая исполнѣние, / гре-  
ховную печáль потребляющи.

**Ин**

**Ирмос:** *Проявлѣнное на горѣ законополо́жнику  
во огнь и купинѣ / рождество Приснодѣвы / в нáше  
вѣрных спасѣние, / пѣсньми немѡлчными велича́ем.*

**Предопределѣннаго** свящѣнно иерáршествова-  
ти, / и свящѣнства конѣц благослáвно приѣмша, / и  
Христову подражáвша страсть, Петра́ чѹднаго  
воспойм.

**Жезлѡм** укрѣпльшася сѣлы Госпѡдни, / и свя-  
щѣнствовавша, и свящѣнствованна, / и Христу́  
принесшагося жѣртва, Петра́ Богоно́снаго  
воспойм.

**Всесмѣшеннаго** зарѣю Трѡичною, / и светлѣй-  
шаго ея́ наслáждшася сия́ния, / и нам спасѣния  
просяща, Петра́ Богоприятнаго воспойм.

Даéши обильно души моéй спасéние, / я́ко  
первосвященник бо имаши власть вяза́ти и решити  
прегрешéний вины́, / твоими моле́нии, священнейший.

**Богородичен:** Ты еси́, Богородице, ору́жие  
наше и стена́, / Ты еси́ заступле́ние к Тебе́  
прибегáющих, / Тебе́ и ны́не на моли́тву подвизáем,  
/ да изба́вимся от враг на́ших.

### Светилен.

Подобен: Жены́, услышите:

Ны́не благонаро́чит яви́ся нам день, / иму́щи  
священных преёмник, священных апо́стол, / Петра́  
ку́пно и Кли́мента, / проповéдники ве́ры и непобéдимыя  
му́ченики, / ихже лётною па́мять ве́рно соверша́ем  
всеи.

### Слава, и ныне, праздника:

Ю́же дрéвле предвозвести́ проро́ческое сосло́вие /—  
ста́мну, и жезл, и скрижа́ль, и несекóмую го́ру— /  
Марию Богоотрокови́цу ве́рно да восхва́лим, / днесь  
бо вво́дится во свята́я святыхъ воспитáтися Го́сподеви.

### На хвалитех стихиры на 6, праздника 3, глас 1.

Подобен: Небесныхъ чинов:

Свещенóсицы дэвы, / Приснодэву светло́ про-  
вожда́юще, / проро́чествуютъ и́стинно Ду́хом бу́дущее,  
/ храм бо Бо́жий, Богородица су́щи, / в храм со сла́вою  
дэвственною / младе́нствующи вво́дится.

Обещáния свята́го и плодъ благосла́вный, / Бого-  
родица войстинну яви́ся ми́ру, / я́ко всех превы́шшая,  
/ я́же благоче́стно приводима в храм Бо́жий, / моли́тву  
ро́ждших исполняет, / соблюда́ема Божéственным Ду́хом.

Небеснымъ воспитана, Дéво, хлéбом, / ве́рно в храме  
Госпо́дни, / родила́ еси́ ми́ру Жизни Хлeб— Сло́во,  
/ Емуже́ я́ко храм избранный и всенепоро́чный, / предобру-  
чи́лася еси́ Ду́хом таинственно, / обрученá Бо́гу и Отцу́.

## Стихиры святого Климента, глас 5.

**Подобен: Радуйся, Живоносный Кресте:**

**Радуйся, светозáрное и красное / Божественна-  
го Духа, мудре, обителище, / лоза мужества, тайно  
бывши благоплодна, всеблаженне, и гобзующая, /  
из нея же искапа учение спасительное, / мсто\*,  
напоющее и веселящее сердца / всегда чтущих  
тя, всебогáте, / мучениче непобедимый, / Небесный  
человече, / церковный столпе, / благочестивым  
утверждение, / Христа моли / послати душам на-  
шим велию милость.**

**Радуйся, Богословия скрижали, / неизречен-  
ных сказатель Писаний, / разум тайный, / Церкви  
крепкий столпе и основание непоколебимое, /  
правило известнейшее, / тайнописатель мудрей-  
ший, / Богоглаголивый язык, / всяку ересь отсека-  
ющ, / якоже меч обоюдоустр, / орган сладковещан-  
ный, / ум Небесный, / Клименте всеблаженне, /  
священнострадальцем основание и укрепление, /  
Христа моли / послати душам нашим велию  
милость.**

## Ины стихиры святого Климента, глас и подобен тойже:

**Радуйся, Ангелообразне святителю, / апостоль-  
ское украшение обрется, / Христове страсти воль-  
ней, святе, / последовати избволил еси, / Петру  
превозлюбленный явися, блаженне, / рода земна,  
отца же и матере и братия всея отвергся, премуд-  
ре. / Тем Богоугодно венец свой восприят, / Кли-  
менте святе, / и престольник обретесе Христу, /  
помолися за ны, / даровати душам нашим велию  
милость.**

**Радостно припадаем ти, блаженне, всечестне, /  
творяще успение, / Христу бо избран явися уче-  
ник, святе, / а совозлюблен Петру настольник,  
блаженне, обретесе, / деянии же и верою ты ся  
венчаваая, Богогласне, / украсися, Клименте Бого-  
духовенне, / украшение Церкви и уста свята, /  
Божия учения пучинниче\*\*, / Христу помолися /  
даровати душам нашим велию милость.**

\* мсто — молодое свежее вино

\*\* пучинниче — глубина

**Я**вися в страстѣхъ священникъ / и в священнѣхъ  
 страсотѣрпецъ, / в законѣ же непороченъ, / обояко \*  
 угождая Богу, Клименте блаженне освященне, / к  
 Немю же възиде ногама, препоясався верою, /  
 благовѣствуя Христову миру истину, / исповѣда-  
 ние и законъ судьбы, / ещѣ же разливая и разсека-  
 емья кровию / источая источники целеню стра-  
 стями, / Христу помолися, / даровати душамъ нашимъ  
 велию милость.

**Стихиры святаго Петра, глас 3,**  
*зри на стиховне (страницы 324—325).*

**Ины стихиры святаго Петра, глас 5.**

**Подобен:** Радуйся, Живоносный Кресте:

**И**мѣя благочестивое помышление / над страсть-  
 ми самодержца, / претерпѣ неуклонно мечемъ / горь-  
 кую кончину и смерть, всеблаженне, / имже Божѣ-  
 ственнаго блаженства получи / и сладкаго Спасо-  
 ва причастия, / и красоты насладитися сподоби, /  
 Петре блаженне, камению веры, / конецъ Божествен-  
 ныхъ мученикъ, / святителемъ удобрение, / Христа  
 моли / послати душамъ нашимъ велию милость.

**С**ветяся священною одеждею / и мучения вен-  
 цемъ украшаемъ, / предста Христови, всехъ Священ-  
 ноначальнику и Богу, / и явльшуся первомучени-  
 ку, / сугубое приѣмъ отъ Него въздаяние, / Егоже  
 исповѣда, Отцу Единосущна, / и Собезначальна  
 Родшему, и Сопрестольна, / Ария злоименитаго  
 отсекъ, всебогате, / и изверже отнюдъ вернаго собо-  
 рища, / Того ныне моли / даровати миру велию  
 милость.

**Слава святаго Петра, глас 4:** Рукою Божиею: *(зри  
 на стиховне, страница 325)*

**И ныне, праздника, глас 2:**

**Д**несь в храмъ приводится Всенепорочная Дѣва /  
 во обителище Всецаря Бога, / и всея жизни нашея  
 Питателя. / Днесь Чистейшая Святыня, / яко три-  
 лѣтствующая Юница, / во святая святыхъ вводит-  
 ся. / Той возопиимъ, яко Ангелъ: / радуйся, единая  
 женахъ Благословенная.

**Славословіе великое и отпуѣст.**

\* обояко—в обоихъ случаяхъ, одинаково

## НА ЛИТУРГИИ

Блаженны праздника обоих канонов, песнь 9-я на 8. По входе тропарь праздника и святых. Слава, кондак святых. И ныне праздника. Прокимен, песнь Богородицы, глас 3: Величит душа Моя Господа: Стих: Яко призре на смирение Рабы Своей: Святых прокимен, глас 7: Честна пред Господом смерть преподобных Его. Апостол праздника, ко Евреем, зачало 320. И святых, к Филипписим, зачало 246. Аллилуйя, глас 8: Слыши, Дщи, и виждь: Евангелие праздника, от Луки, зачало 54, и святых, от Матфея, зачало 11. Причастен: Чашу спасения: И святых: В память вечную:

**ЗРИ** Подобаает ведати, яко аще случится оддание праздника Входа Пресвятыя Богородицы в неделю, оставляется возследование святого Петра и поется, егда хочет еклисиарх.

В СУББОТУ НА МАЛОЙ ВЕЧЕРНИ

Стихиры воскресны и Богородицы по обычаю, тропарь воскресен и праздника.

НА ВЕЛИЦЕЙ ВЕЧЕРНИ

По обычной кафизме на Господи, возвах: стихиры воскресны 3, и восточен един, Анатолиев, и праздника подобны 3, глас 1: Днесь вернии: и святого Климента подобны 3. Слава, праздника, глас 8: По Рождестве Твоем: И ныне, Богородичен первый настоящего гласа. Вход. Прокимен дне. На литии стихиры праздника. Слава, и ныне, праздника. На стиховне стихиры воскресны. Слава, и ныне, праздника. На благословении хлебов: Богородице Дево: трижды. А идеже несть всенощнаго, глаголем тропарь воскресен. Слава, Климента (*зри страницы 325—326*). И ныне, праздника.

НА УТРЕНИ

На Бог Господь: тропарь воскресен дважды. Слава, Климента. И ныне, праздника. По кафизмах седальны воскресны с Богородичны их. Полиелей и тропари: Ангельский собор: ипакой гласа и степенна, прокимен и Евангелие воскресно. Воскресение Христово: псалом 50 и стихира воскресна. Канон воскресен со ирмосом на 4, и Богородицы на 2, и праздника первого гласа на 4, и Климента на 4. Катавасия: Христос рождается: По 3-й песни кондак праздника и икос. И Климента (*зри страницы 329—330*). Слава и ныне, праздника. По 6-й песни кондак воскресен и икос. На 9-й песни стихословим Честнейшую: Светилен воскресен. Слава, святого. И ныне, праздника. На хвалитех стихиры воскресны 4 и праздника со Славным на 4, с припевы праздничными. Слава, стихира Евангельская. И ныне, Преподобнословенна еси: Славосло-

**вие великое. Тропарь воскресен точию, ектении, и отпѹст, и час 1-й. На часех тропарь воскресен. Слава, праздника. И ныне, Богородичен часов. По Отче наш: кондак праздника и воскресен глаголем, пременяюще.**

**НА ЛИТУРГИИ:**

**Блаженны гласа на 6 и праздника песнь 9-я на 4. По входе тропарь воскресен, и праздника, и святаго. Таже кондак воскресен. Слава, святаго. И ныне, праздника. Прокимен, Апостол, аллилуия и Евангелие гласа и праздника. Причастен: Хвалите Господа: и праздника.**

**Святой священномученик Климент, епископ Римский**, родился в Риме, в знатной семье, которую вскоре постигло несчастье: все члены семьи разлучились друг с другом. Он лишился родителей и братьев, но по знатности рода получил хорошее образование. С возрастом святой Климент осознал потерю близких и всегда был печален.

Благовестие веры Христовой, достигшее Рима, побудило юного Климента отправиться на Восток. Встретив апостола Петра, святой Климент принял от него слово спасения и святое Крещение.

Молитвами апостола Христова семья святого Климента, разбросанная по разным местам, оказалась собранной. Родителей святого Климента — Фавста и Матфидию и его братьев Фавстина и Фавстиниана также крестил апостол Петр. Вскоре апостол Петр рукоположил святого Климента во епископа Рима. Святитель управлял Римской Церковью с 92 по 101 годы. Его первосвятительское служение в древнем городе сопровождалось большим притоком в Церковь новокрещенных христиан. В это трудное время святой епископ не только мудро правил паствой, но старался сохранить для потомков память о пострадавших за Христа.

Распространение христианства вызвало возмущение почитателей языческих богов. По повелению римского императора Траяна (98—117) святителя Климента сослали в Крым. В каменоломнях около Херсонеса, где трудился святой изгнанник, уже было около 2000 христиан, осужденных на тяжелые работы в безводной местности.

По молитвам святителя Господь открыл источник воды.

Чудеса, святая жизнь, проповедь способствовали распространению веры Христовой, созданию христианских храмов и разорению языческих капищ в Крыму.

Слух об этом достиг Рима. По приказу разгневанного императора святитель Климент был привязан к якорю и утоплен в море близ Херсонеса. Останки священномученика пребывали в морской стихии до IX века, причем ежегодно в день его мученической кончины море чудесным образом отступало до места их упокоения, на котором воздвигся нерукотворный пещерный храм. В IX веке Господь сподобил святых равноапостольных братьев Кирилла и Мефодия, просветителей славян, обрести мощи святого Климента Римского и вынести их на сушу в храм Святых Апостолов.

Часть мощей священномученика Климента равноапостольные братья перенесли в Рим. Святая глава была принесена равноапостольным князем Владимиром в Киев после крещения в Корсуне и положена в Десятинном храме, где был устроен придел во имя святого епископа Климента.

Святитель Климент, папа Римский, был непосредственным учеником святых Апостолов, самовидцев Господа Иисуса Христа, то есть Апостольским мужем.

В Александрийском кодексе V века наряду с новозаветными текстами содержатся два послания святителя Климента Римского к Коринфянам, что свидетельствует о большом уважении, которым пользовались эти послания в Церкви. В первом послании («Журнал Московской Патриархии», 1974, № 10, с. 65—80) святитель выступает против разделений в Коринфской Церкви, возникших из-за недовольства некоторых церковным

устройством. Об этом послании говорят такие отцы Церкви, как Дионисий, епископ Коринфский (II), епископ Ириней Лионский (II), Климент Александрийский (III), Евсевий Кесарийский (IV).

Память святителя Климента Римского издревле чтится в России, в честь его освящены многие храмы.

В Десятинном храме Киева, построенном равноапостольным князем Владимиром, где хранилась частица мощей священномученика Климента, один древнерусский проповедник, обращаясь к священномученику, взывал: «Тобю Рустии князии хвалятся, святители ликуют, иереи веселятся, мнихи радуются, людие добродушествуют, приходяще теплою верою к твоим христоносным костем святыню почерпающе...».

В службе святителю Клименту, написанной известным творцом канонов митрополитом Никейским Феофаном (†845), святитель прославляется как ученик апостола Петра.

В похвале святому Клименту Римскому, находящейся в Чегии Минее митрополита Московского Макария (†1563), говорится: «Се бо блаженный Климент не яко светильник, яко град явися, но яко незаходящее солнце возсия во всю вселенную, всего мира озаряя благодатию Божиею».

**Священномученик Петр, архиепископ Александрийский**, родился в Александрии в семье протопресвитера Феодосия и Софии. У благочестивых супругов долго не было детей. Господь послал им сына по горячей молитве Софии к Первоверховным Апостолам в день их памяти. Младенцу дали имя в честь апостола Петра. Именно поэтому священномученик Петр называется в службе «соименным Верховному и сопричастником его дел».

Вся жизнь святителя Петра была отдана Церкви. Еще в отрочестве он знал на память всё Священное Писание, изучением которого продолжал постоянно заниматься. За свою подвижническую жизнь святой Петр был прославлен от Господа даром чудотворений еще при жизни. Историк Церкви Евсевий Памфил (†340) позднее свидетельствовал, что святитель «был красю епископов, как по доблестям своей жизни, так и по

своим занятиям в Священном Писании».

Перед кончиной Александрийскому архиепископу Феону явился Господь и указал, что его преемником на кафедре апостола Марка будет святой Петр. Избрание на кафедру александрийских святителей святого Петра произошло в 300 году. Вскоре он вынужден был, для блага Церкви, покинуть свой родной город из-за гонения императора Диоклетиана.

Святитель Петр утешал свою паству посланиями, и духом всегда пребывал с ней. По возвращении на кафедру святой написал покаянные правила, предоставляя возможность отпадшим во время гонения возвратиться в Церковь. Одновременно он умиротворил свою Церковь от раскола, возникшего в ней по вине Мелития, епископа Ликопольского. В то трудное время начал сеять плевелы лжеучения пресвитер Арий. Святой Петр выступил против него, проклял еретика и отлучил от Церкви.

Под мудрым окормлением святого Петра Александрийская Церковь, несмотря на гонения, крепла и умножалась.

В 311 году по приказанию Максимиана святитель Петр был схвачен и заключен в темницу. Отлученный им Арий, видя близкую кончину святого, предпринял в это время лицемерную попытку вернуться в лоно Церкви. Пресвитерам, пришедшим просить о помиловании Ария, святитель Петр открыл тайну, что не сам отлучил его, но по воле Спасителя, Который явился ему в образе двенадцатилетнего отрока, в разорванной сорочке, с лицом сияющим, как солнце. На вопрос Святителя «Кто Тебе, Спасе, ризу раздрал?» Спаситель сказал: «Арий безумный раздрал Мне её, ибо разделил людей Моих, которых Я стяжал кровию Моею, не принимай его в общение церковное, ибо лукавое и враждебное замыслил он на Меня и на людей Моих. Тебя хотят просить, чтобы ты простил ему, но ты не слушай их, не принимай в стадо волка».

К месту заключения архипастыря собралось множество благочестивых христиан. Однако, не желая подвергать народ какой-либо опасности и во избежание столкновения с присланным войском, святитель Петр



сам пришел на помощь воинам. По его совету, ночью воины проломили заднюю стену тюрьмы и, выведя святителя за город, отсекли ему голову на месте кончины апостола Марка, основателя Александрийской Церкви.

Голос с неба, который слышала в этот момент одна святая дева, возвестил: «Петр—начало апостолов, Петр—конец александрийских мучеников».

Кровь праведника, скончавшегося мученической смертью (†311), принесла свои плоды. Его мучители впоследствии стали христианами и также пострадали за Христа.

Перед погребением епископа-мученика его тело облачили в епископские одежды и посадили на горнее место Сам Святитель при жизни никогда этого себе не позволял по глубокому смирению. Все это время в народе находились пришедшие из пустыни подвижники и среди них Антоний Великий, что свидетельствует о связях александрийского предстоятеля с зарождавшимся в то время монашеством.

От богословского наследия Петра Александрийского сохранились лишь фрагменты его произведений. Покаянные правила святителя на VI Вселенском Соборе получили общецерковное каноническое достоинство. Эти правила стали известны на Руси со времени появления у нас Кормчей книги. В другом его произведении, сохранившемся лишь частично, говорится о времени страданий Христа Спасителя. На III и IV Вселенских Соборах отцы заслушивали его творение о Божестве Сына Божия.

Почитание александрийского святителя-мученика началось сразу после его кончины.

Житие святого Петра дошло до нас на греческом, коптском, латинском, сирийском, армянском, арабском и славянском языках.





**Отдание праздника Введения во храм  
Пресвятыя Владычицы нашея Богородицы  
и Приснодевы Марии  
и память святаго равноапостольнаго Клімента,  
архиепископа Охридскаго,  
просветителя Словѣнскаго,  
Българскаго чудотворца**

**НА МАЛОЙ ВЕЧЕРНИ**

**Стихиры на 4, глас 1.**

**Подобен: Небесных чинов:**

**П**риидіте, празнолюбцы вси, / соборную  
песнь воспойм бодренно: / спасай нас от  
всяких искушений молитвами твоими / и  
всякия скорби, Кліменте Богодухновен-  
не, / почитающія тя.

**Х**рам твой и рака мощей твоих / врачевство  
подают душам и телесем, / яко источник  
исцелений / и бич бесовом прогонительный, / и  
образ твой честный, Кліменте всеумдре, / печаль-  
ным есть утешение.

**М**ирскаго сношения отступив / и земнаго при-  
страстия, / невестественное житие совершил еси /  
и Безплотным счислился еси, / с нимиже ныне  
пребывая, Кліменте приснопамятне, / поющих тя  
сохраняй.

**Слава, глас 6:**

**С**радуйтесь нам, вси словѣнстии роди, / начало-  
пастырь бо наш и общий всех предстатель, / в  
днешний день в честном храме своем призирая, /  
всем помогает своими молитвами. / Тѣмже, по долгу  
восхваляюще, вопием к нему: / покрый нас кровом  
молитвы твоея, / величайший Кліменте святите-  
лю, молим тя!

**И ныне, праздника, глас 8:**

**Д**авид провозглашаше тебе, Пречистая, / про-  
видя освящение входа Твоего в храм, / в немже  
концы, днесь празднующе, / славословят Тя, Все-  
петая, / Яже бо прежде Рождества Дѣва / и по

Рождествѣ пребывши нетленна, Мати Слова жизни. / Днесь в храме Захария веселится, / восприем Тя, Владычице, / и святая святых радуются, / подъемши Тя, источника жизни нашея. / Темже и мы псаломски вопием Ти: / о нас моли Сына Твоего и Бога нашего / даровати нам велию милость.

### На стиховне стихиры, глас 2.

Подобен: Доме Евфрафов:

Воспойм Бóгови, / давшему врачевство / душам и телесем / безсребренное рабом, / Климента Божественнейшаго.

**Стих:** Священницы Твой облекутся в правду, / и преподобнии Твой возрадуются.

Избавителя сострадательна, / и предстателя тепла, / и Небеснаго гражданина / стяжавше тя, Клименте отче наш, / достойно ублажаем.

**Стих:** Моисей и Аарон во иереех Его / и Самуил в призывающих Имя Его.

Миро излиянное / имя твоё, Богомудре, / тем возлюбивша тя прочее / души верных добродетельныя, / якоже отроковицы Боголюбезныя.

### Слава, и ныне, Богородичен:

Богородице Честная, / апостолов украшение / и святителей славо, / моли о нас Сына Твоего, / во еже спастися нам.

**Тропари святого и праздника зри на велицей вечерни (страница 352)**

### НА ВЕЛИЦЕЙ ВЕЧЕРНИ

**Первая кафизмы 1-й антифон Блажен муж: На Господи, возвах: поставим стихов 8 и поем прежде 4 стихиры праздника (зри страницу 323)**

### Ины стихиры, святого Климента Охридскаго, глас 2.

Подобен: Киими похвальными:

Киими похвальными венцы / днесь Климента увенчаим? / слову Божью буйство плоти подручно покорившаго, / непреподобныя страсти возненавидевшаго / и заповеди Евангелия исполнившаго, / к наказанию Божественному своими вещаньми всех наставльшаго, / песнопением и иконным украшением Церковь обогатившаго / и ко

спасёнию совершеннейшему лю́ди руководившаго  
си́лою Христа́ Бо́га нашего, / **Иже** имéяй вéлию  
ми́лость.

**К**иими вдохновенными пёсньми / днесь Кли́мен-  
та воспойм? / розгú лозы́ и́стинныя, / житиём добро-  
дéтельным выспрь прозя́бшую / и Бо́гом дéлателем  
воздéланную, / плоды́ многими гобзúющую / и дáры  
Ду́ха плодонося́щую — словеса́ Богодухновенная, /  
я́коже цветы́ райския благоуханныя, / и по́двиги  
нетлénныя, / я́коже от гроздо́в вино́, сердца́ веселя́-  
щее, / благодáтию Христа́ Бо́га нашего, / **Иже** имéяй  
вéлию ми́лость.

**К**иими благоглаго́ливыми словесы́ / днесь Кли́-  
мента почтíм / Небéснаго му́жа на земли́ во плóти, /  
требогáтное сокровище добродéтелей собравша-  
го, / ны́не же со Ангелы́ ду́хом пребыва́ющаго; /  
я́коже зерка́лом прёжде в гадáнии, / му́дрость  
Бо́жию смотре́вшаго, / ны́не же непосредне лицём к  
лицу́ / Свет Божéственный блаже́нне зря́щаго, /  
Христа́ Бо́га нашего, / **Иже** имéяй вéлию ми́лость.

### **Слава, глас 6:**

**Д**обродéтелей воскормляе́мь млеко́м, / дости́гл  
еси́ верх совершенства, / любвё бо возже́гся огнём /  
и стра́сти испепели́в до конца́ злосра́дныя, / был  
еси́ воздержáния и крóтости пра́вило, / ми́лости  
истóчник и сострада́ния бéздна. / Но, о быстрей-  
шая по́моще и скóрое заступлénие / ты вёрно  
призыва́ющих, Кли́менте, святéйший óтче, / пред-  
ста́ни и ны́не ду́хом / и изба́ви нас от му́чащаго  
греха́, / я́ко мно́гое имéяй дерзнове́ние ко Го́споду.

### **И ны́не, праздни́ка, глас 8:**

**П**о Рождестве́ Твоём, Богоневéсто Влады́чице, /  
пришла́ еси́ в храм Господень / воспитáтися во  
свята́я святых, / я́ко освящённа. / Тогда́ и Гаври́ил  
пóслан бысть к Тебе́, Всенепорóчней, / пи́щу Тебе́  
принося́. / Небéсная вся удиви́шася, / зря́ще Ду́ха  
Свята́го, в Тя всельшася. / Тёмже, Пречи́стая и  
Несквёрная, / я́же на Небеси́ и на земли́ сла́вима, /  
Ма́ти Бо́жия, спаси́ род наш!

**Вход. Свете́ тихий: прокимен дне и чтения три**  
(зри страницы 252—255)

**На литии стихиры, глас 1:**

Вели́кая истины труба́, / Кли́мент, святíteль  
чудный, / вся праздноло́бцы днесь к веселію  
созыва́ет. / Светлое у́бо торжество́ предусря́щим /  
добраго па́стыря, вси ве́рнии, / пе́снями сла́вяще  
священныя его́ труды́, / яко да моли́твами его́ /  
при́имем от Христа́ ве́лию ми́лость.

**Глас 2:**

Ми́ру излия́вшуся на тя благода́ти / и Христо́во  
благоуха́ние тя соде́лавшу, / помáзался еси́ свя-  
щенноде́йствовати Ева́нгелие Ца́рствія Небе́с-  
наго / и благово́ния ра́зума его́ Болга́рскую всю  
зе́млю испо́лнити. / Те́мже, гла́сы моле́бныя  
раб твои́х / благосе́рдно прие́мля, Кли́менте прис-  
нопа́мятне, / проси́ да́тися нам ве́лиею ми́лости.

**Слава, глас 6:**

Благода́ть чудесъ свѣ́ше прие́м / и ро́ды словен-  
ския просвети́в сло́вом Ева́нгелия, / святите́лей  
еси́ сла́ва же и похвала́ / и всея́ Болга́рии велико-  
пропове́дный апо́стол, / Кли́менте, о́тче всеблаже́н-  
не. / Дерзнове́ние у́бо имѣя ко Го́споду, / Того́ моли́  
спа́стися душа́м на́шим.

**Глас 5:**

Во оде́жду священства оде́ян, / побо́рниче Ду́ха  
велича́йший, / престо́лу предста́л еси́ мучи́теля / и  
в темни́цу затворѣн был еси́, / бе́дствуя про́поведи  
ра́ди Ева́нгелия Христо́ва / и мученическое пока-  
зу́я противле́ние. / Свобо́ду же Бо́гом улу́чив, / к  
болга́ром новокреще́нным прите́кл еси́ / и сло́вом  
твои́м непосты́дно / посе́ял еси́ се́мя Се́ющаго, /  
И́же имѣяй ве́лию и бога́тую ми́лость.

**И ныне, праздника, глас тойже:**

Возсия́ день ра́достен и пра́здник всече́стен: /  
днесь бо, Я́же пре́жде Рожде́ства и по Рожде́ствѣ  
Де́ва пребы́вши, / в храм Госпо́день приво́дится, / и  
ра́дуется Заха́рия ста́рец, роди́тель Предте́чев, / и  
вопи́ет весело: / прибли́жися Предста́тельница  
скорба́щих в храм святы́й, / яко́ Свята́ освя́титися  
во оби́телище Всеца́ря. / Да веселі́тся Иоакі́м  
праоте́ц, / и Анна да ра́дуется, / яко́ принесо́ша  
Бо́гу, яко́ триле́тствующую ю́ницу, / Непоро́чную  
Влады́чицу. / Ма́тери, сра́дуйтесь, де́вы, взыгра́й-

те, / и непло́ды, сликовству́йте, / я́ко отвѣрзе нам  
Небѣсное Ца́рство прона́речѣнная Всеца́рица, /  
ра́дуйтеся, лю́дие, и веселі́теся.

### На стиховне стихиры, глас 6.

Подобен: Все отложше:

**Весь** от юности возложився Влады́це, / Богому́д-  
ре Кли́менте, / вне плóти был еси́ / и вся́каго  
мирска́го сноше́ния, / страсте́й течѣние изсуши́в  
губо́ю добродѣтелей, / и ум свобóдный земна́го  
пристра́стия / привлéкл еси́ к мы́сленным селѣни-  
ем, / иде́же ны́не, приближа́ясь / Престо́лу Христа́  
Бо́га на́шего, / со дерзнове́нием моли́ся о душа́х  
на́ших.

**Стих:** Священни́цы Тво́й, Го́споди, облеку́тся в  
пра́вду, / и преподо́бнии Тво́й возра́дуются.

**Воздержáние** вольное и труд по́двига воспри-  
йм, / Богому́дре Кли́менте, / жити́е равноа́нгельное  
и невестче́ственное / на земли́ показáл еси́. / Тѣмже и  
мзду́ при́ял еси́ толи́ких трудо́в, / дарова́ния Ду́ха, /  
па́стырь быв словеса́наго ста́да, / и мо́ре чудес  
неизчерпа́емое, / священства соверше́ние и мона́-  
шествующих пра́вило, / проро́к же б́удущих  
нелóжный / и словено́м апóстол Христа́ Бо́га  
на́шего, / Егóже приле́жно моли́ о душа́х на́ших.

**Стих:** Моисе́й и Ааро́н во иере́ех Егó / и Самуи́л  
в призыва́ющих И́мя Егó.

**Кири́ллу** послéдуя, просвети́телю Слове́нско-  
му, / Богому́дре Кли́менте, / и Мефо́дию святите́лю  
по стопáм шéствуя, / я́коже скрижа́ль добродѣте-  
ли, / жити́е их проóбразно сотвори́л еси́. / Наума́  
же имѣя, / сосуда́ Ду́ха, сподви́жника / в трудо́х  
равноапóстольных, / и весь лик честных́ учени́к, /  
Бо́лгар утверди́л еси́ / в ве́ре чистей Христа́ Бо́га  
на́шего, / Егóже со дерзнове́нием моли́ о душа́х  
на́ших.

### Слава, глас 6:

**Я́коже** жизнь тво́я Божѣственна, / та́ко и конéц  
тво́й свяще́нный, / святите́лю Кли́менте блаже́н-  
не, / в нёмже все мно́жество Охридское, собра́вше-  
ся, / я́коже видеша́ тя бездыхáнна, / глаго́лы жа́ло-  
стными вопи́яху, глаго́люще: / рцы́ послéднее сло́-  
во рабо́м тво́им, / немóлчный проповѣдни́че словé-

ном! / Где оставляеши ча́да тво́я, / я́же ущедрѣл еси́  
я́ко о́тец благоутро́бный? / Об́аче а́ще и во грóбе  
возлѣгл еси́, / но горé тя стяжа́хом предста́теля / и к  
Бо́гу моли́твенника / любви́ю чту́щих тя.

**И ныне, праздника, глас тойже:**

Днесь, собóри вѣрных, соше́дшеся, / духо́вне да  
торжеству́им / и Богоотрокови́цу Дѣву и Богорóди-  
цу, / в храм Господень приводи́му, / благоче́стно  
восхва́лим, / предъизбра́нную от всех родо́в / во  
обителище всех Царя́ Христа́ и Бо́га. / Дѣвы, свещи́  
носяще, предъиди́те, / Приснодѣвы чту́ще честное  
происхожде́ние; / ма́тери, печа́ль всю отложивше, /  
ра́достно спослѣдствуйте Ма́тери Бо́га  
быва́ющей / и ра́дости ми́ра Ходатаице. / Все́и у́бо  
ра́достно, е́же ра́дуйся! / со Ангелом возопи́м  
Обра́дованней, / прѣсно моля́щейся о душа́х  
на́ших.

**На благословении хлебов тропарь святаго  
дважды и праздника единожды.**

**Тропарь святителя Климента, глас 4:**

**С**ловесы́ наста́вил еси́ язы́ки\* в ве́ру Христо́ву, /  
де́лы же возвы́сил еси́ себе́ к Божѣственной  
жизни, / святителю́ Кли́менте равноапóстольне, /  
чудесы́ сия́я приступа́ющим к тебе́ вѣрно / и  
зна́меньми озаря́я Цѣрковь пресла́вно, / сегó ра́ди  
честну́ю твою́ па́мять сла́вим.

**Ин тропарь святителя, глас тойже:**

**Я**ко труба́ Арха́нгела Бо́жия / оглаша́еши рóди  
словѣнстии на вся ве́ки / и к чудесы́ пресла́вно-  
му утвержде́ния люде́й твоих в Правосла́вии /  
прилага́еши неизжива́емо чудеса́ вѣлия да́же  
доны́не. / Тѣмже с любви́ю почита́ем присноче-  
стну́ю па́мять твою́, / святителю́ Кли́менте равно-  
апóстольне, и мо́лим: / моли́ся о душа́х на́ших.

**Тропарь праздника, глас 4:**

**Д**несь благово́ления Бо́жия предображе́ние / и  
челове́ков спасе́ния проповѣда́ние: / в хра́ме  
Бо́жии я́сно Дѣва явля́ется / и Христа́ всем пред-  
возвещает. / Той и мы велегласно возопи́м: /  
ра́дуйся, смотре́ния / Зиждите́лева исполне́ние.

\* язы́ки — народы

**НА УТРЕНИ**

**На Бог Господь: тропарь праздника дважды. Слава, тропарь святого. И ныне, праздника.**

**По 1-м стихословии седален, глас 3.**

**Подобен: Божественныя веры:**

**Божественными догматы воспитан, / наставил еси к Божественной вере роды Болгарския, привед крещением / и сотворив я люди избранны, / страстей различных избавил еси, / отче преподобне, Христа Бога моли / дароватися нам велией милости.**

**Слава, и ныне, праздника, глас 1.**

**Подобен: Лик Ангельский:**

**Праведных плод Иоакима и Анны приносится Богу во святилище святое, / плотию младенствующи, Питательница жизни нашей, / Юже благослови священней Захария, / Сию вси яко Матерь Божию верно да ублажим.**

**По 2-м стихословии седален, глас 4.**

**Подобен: Удивися Иосиф:**

**От младенческаго возраста закону Божию богато научився, / люди утвердил еси Боговещанными ученьми твоими / и честным твоим житием всех наставил еси презирати плоть и яже в мире красная, / к Небеси же присно зрети и Божественному наслаждению, / еже нам получитьи молися, / верою почитающим честную память твою.**

**Слава, и ныне, праздника,  
глас и подобен тойже:**

**Прежде зачатия, Чистая, освятилася еси Богу / и, рождшия на земли, дар принеслася еси ныне Ему, / исполняючи отеческое обещание. / В Божественном же храме, яко сущо Божественный храм, / от младенства чисте со свещами светлыми отдана бывши, / явилася еси приятелище Непреступнаго и Божественнаго Света. / Велико войстинну предшествие Твое, Единая Богоневесто и Приснодево.**

**На полиелеи величание:**

**Величаем тя, / святителю отче Клименте, / иже ученьми твоими роды словенския просветил еси / и ко Христу привел еси.**

### По полиелеи седален, глас 8.

Подобен: Премудрость и Слово:

Апостол Христовых ревность восприим, / объял еси сердцем всю землю Болгарскую, / проповедуя людем Христова Евангелие / и изводя от прелести множества неизчетная. / Темже течение — по Павлу — совершив, / венец приял еси достойный трудов твоих, святителю блаженне, / моли Христа Бога грехов оставление даровати / празднующим любовию честную память твою.

### Слава, и ныне, праздника, глас 8.

Подобен: Повеленное тайно:

Да радуется Давид песнописец / и да ликовствует Иоаким со Анною, / яко Плод Святыи из них произыде, / Мария светоносная, Божественная свеща, / и радуется, входящи в храм, / Юже и зря, благослови Варахийн сын и, радуясь, взываше: / радуйся, чудо всемирное.

Таже степенна, 1-й антифон 4-го гласа. Прокимен, глас 4: Уста моя возглаголют премудрость, / и поучение сердца моего разум. Стих: Услышите сия, вси языцы, / внушите, вси, живущии по вселенней. Всякое дыханье: Евангелие от Иоанна, зачало 35.

### По 50-м псалме стихира самогласна, глас 6:

Философию вышнюю восприим / и в глубину премудрости вникнув, / Всецарю соединился еси, / святителю Клименте, / и, якоже зеркало нескверное, изобразил еси / богатство Божественных Писаний. / Темже язык еллинский словом уяснив / и народы просветив благочестием, / конец от Бога блаженный улучил еси / и молишися о нас, / иже верую и любовию тя славящих.

### Таже канон праздника, на 4

(зри страницы 327—339).

### Канон святителю древний, глас 8.

#### Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Припев: Святителю Клименте, равноапостольне, / моли Бога о нас.



**Приидите, пѣсньми духовными восхвалим светлую пѣмь святителя Клімента, / ѡмже вся Церковь просвѣщена Христа славит.**

**Якоже солнце, в міре сияя, святителю Кліменте, / просвѣщаеши вселенную житіем твоим, / ѡмже и менѣ просвети, молюся.**

**Наста светозарная пѣмь твоѧ, святителю Кліменте, / озаряющи всех, в святѣй твоѣй церкви вѣрных сошедшихся и тя славающих.**

**Богородичен: Дверь Небесную, Юже пророцы проповѣдаша, / Дѣву, Христа рождшую, в пѣснях по достойнью возвеличим.**

**Второй канон святителю, творение Димитрия Хоматиана, архиепископа Охридскаго, глас 4.**

### **Пѣснь 1**

**Ирмос: Трестаты \*крѣпкия, Рождейся от Дѣвы, / во глубинѣ безстрастія / души тричастное потопи, молюся, / да Тебѣ, яко в тимпанѣ, / во умерщвлении телесѣ / побѣдное воспою пѣние.**

**Невещественным просвѣщеніем светяся / и житіе чистое произволяя, / житѣльством добродѣтельным собесѣдник Ангелов / и свет вѣрным был еси, блаженне.**

**Показал еси людем стези благочестія, / заблуждшим в путѣх погібели прѣлестію сатанинскою. / Тѣмже ты яко Богоглагольника / и Господня апостола пѣсньми славим, приснопѣматне.**

**Тимофея ясно подражая, вмѣсто Павла, всея земли просветителя, / проповѣдником вѣры Мефодію и Кириллу последовал еси. / Сего ради с ними прославился еси, Богомудре.**

**Возлюбил еси Бога от всего сердца / и міра красных отвѣрглся еси всецѣло. / Сего ради молю тя: / плотскія работы молитвами твоими измени мя, / яко злосердіе к Богу раждающія.**

**Богородичен: Соблюдати честныя заповѣди Спаса / укрепи мя Твоими теплыми заступлѣніи, Пречистая, / яко да любовью Тя славолю, / в Рождестве славу дѣвства невредиму соблюдшую.**

\* Трестаты — под трестатами, по мнѣнію одних, разумеются главные военачальники, которых у египтян было по три в войске, разделявшемся на три отряда; другие разумеют отборных воинов, колесничников, которых было три на каждой колеснице: один правил конями, другой управлял ходом колесницы, а третій подготавливал оружіе.

### Песнь 3

**Ирмос:** *Небэснаго кру́га Верхотво́рче, Го́споди, / и Це́ркве Зиждите́лю, / Ты мене́ утверди́ в любви́ Тво́ей, / желáний кра́ю, ве́рных утвержде́ние, / Еди́не Человеколю́бче.*

Приидите вси, почт́им красителя́ церко́внаго Клі́мента, / моля́ще не престáти ста́ду своему́ мир / и душáм нáшим мило́сть посыла́ти.

**К** тво́ей святы́ни припада́юще, блаже́нне, / умиле́нным гла́сом тебе́ вопие́м: / призри́ на ны моли́твами тво́ими, мо́лим тя.

Лучами книжнаго учения́ напаяя весь мир словенский, / сияеши, якоже солнце, златозарны-ми словесы, / имиже озари нас, молим тя.

**Богородичен:** *Неизрече́нно ро́ждши Оте́ческую За́рю, / Вседете́ля всея́ тва́ри и Спа́са душ нáших, / утверди́ ны в любви́ Тво́ей, Пречи́стая.*

### Ин

**Ирмос:** *Не му́дростию, и си́лою, и бога́тством хва́лимся, / но Тобо́ю, Отчею́ Ипостáсною му́дростию, Христе́, / несть бо свят, па́че Тебе́, Человеколю́бче.*

Му́дростию словес тво́их ве́ру уясни́л еси́ / и научи́л еси́ лю́ди, в преле́сть многобо́жия уклони́в-шиеся, / Тро́ицу че́стновати Еди́ную.

Си́лою Ду́ха Уте́шителя заградив ху́льные на Него́ уста, / и ересей нача́льники, кре́пко зауши́в, посрамил еси́.

Непорочным жити́ем Бо́гу послужив, блаже́нне отче, / якоже дре́вний Ааро́н, всепло́дие прине́сл еси́, / о ста́де тво́ем моля́ся.

Ка́пли слезны́я несть во мне́ ко омовéнию душе́вных скве́рн, / ты у́бо омый мя моли́твами тво́ими, / струю́ покая́ния мне́ источа́я.

**Богородичен:** *Ту́чная горó, Ю́же Дави́д предзря́ше Ду́хом, / молю́ Тя приле́жно, Влады́чице, / обрати́ мя, заблуждшаго в гора́х отча́яния.*

**Кондак святителя, глас 3.**

**Подобен:** Дева днесь:

**Х**рам твой, свя́те, врачевство́ духо́вное / пре-сла́вно показу́ется ве́рно присту́пающим, / всех бо разли́чных боле́зней избавля́ет, / стра́сти же

душ всяческия усыпáет. / Сего́ ра́ди тя, всеблаже́н-  
не, / те́пла предста́теля имену́ем.

### Икос:

Воспо́йм вси ны́не Бо́лгарских люде́й иера́рха, /  
благоговейно присту́пающе в хра́ме его́, / и Боже́-  
ственную ра́ку моще́й его́ целу́им, к нему́ глаго́лю-  
ще: / о́тче Богому́дре, ты еси́ па́стырь наш и  
учи́тель, / ты град и род твой соблю́дати не  
оскудева́й, / на тво́я бо приле́жныя моли́твы упова́-  
юще, / тя, всеблаже́нне, те́пла предста́теля  
имену́ем.

### Седален, глас 8.

Подобен: Премудрость и Слово:

Похвала́ми согласно почти́м святите́ля вели́ка-  
го, / напо́ившаго всех словесы́ кни́жными / и весь  
мир Слове́нский просвети́вшаго заря́ми духо́вны-  
ми. / Тем, соше́дшеся, досто́йно просла́вим святы́я  
по́двиги его́ / и к нему́ возопи́им: / Кли́менте  
сла́вне, / моли́ Христа́ Бо́га грехо́в оставле́ние  
дарова́ти / чту́щим любо́вию святу́ю па́мять  
твою́.

### Слава, и ныне, праздника, глас 4.

Подобен: Удивися Иосиф:

Непорочная А́гница и Нескве́рный Черто́г, / в  
дом Бо́жий Богоро́дица Мари́ам с веселием вво́-  
дится пресла́вно, / Ю́же А́нгели Бо́жии дорино́сят  
ве́рно, / и вси ве́рнии блажа́т при́сно, / и благодар-  
ственно пою́т Ей непреста́нно ве́лиим гла́сом: /  
на́ша сла́ва и спасе́ние Ты еси́, Всенепоро́ч-  
ная.

### Песнь 4

Ирмос: Ты моя́ кре́пость, Го́споди, / Ты моя́ и  
си́ла, / Ты мой Бог, Ты моё ра́дование, / не оста́вь  
не́дра О́тча / и на́шу нищету́ посетив. / Тем с  
проро́ком Авваку́мом зову́ Ти: / си́ле Твое́й сла́ва,  
Человеколю́бче.

Тя ми́рови Христо́с па́стыря подаде́, / поручи́в  
ти ста́до избра́нное, блаже́нне. / Тем, я́ко со́лнце,  
сияеши, / озаря́я моля́щих ти ся.

Очи́стив ду́шу, и те́ло, и ум, му́дре Кли́менте, /  
я́ко зла́то, на землі́ све́тел был еси́, / сосу́д досто́ин  
Пресвята́го Ду́ха.

**В**ся тварь днесь прославляет труды твоя, святителю Клименте./ Просвети ны убо/ и отпущение грехов подаждь молитвами твоими.

**Богородичен:** Безсеменно зачénшая Творца всех, Пренепорóчная,/ пречíстеи рúце воздévши,/ в мíре покрый ны крылóма Твоима/ и от грядúщаго гнéва избáви ны.

### Ин

**Ирмос:** Седяй в славе на Престоле Божества/ во облаце лéгце,/ прииде Иисус Пребожéственный/ нетлénною длáнию и спасé зовúщия:/ слава, Христé, силе Твоéй.

Честна́я мирополо́жница святы́х мощей твои́х дéмоны прогоняет,/ стра́сти изцеля́ет неизцельны́я и многообразны́х избавляет обстоя́ний притека́ющия./ Тёмже ве́рно тя сла́вим.

**И** умерша ты почита́ем я́ко жи́ва, блаже́нне,/ неги́блемыя бо жи́зни но́сиши дéйство, я́ко чудес благодáть приём,/ тёмже зовём:/ сла́ва Облагода́тившему ты.

**И**сто́чник изцелéний опису́ет/ еди́наго изцелéния дéйство на всякое лето \*,/ Кли́ментова же ра́ка неизчётная мно́жества недúгов всяческих прогоня́ет всегда́.

Помышлénными согрешáю всегда́, и словесы́, и дея́ньми,/ тёмже удалíхся от лица́ Твоего́, Гóсподи./ Но, обратív, спаси́ мя я́ко блúднаго,/ непрестáнными Твоего́ святителю моли́твами.

**Богородичен:** Непрелóжна Влады́ку родила́ еси́ плóтию, Дéво,/ спасти́ восхотévшаго челове́ка./ Тёмже к блúдному жити́ю отвращéнна мя/ к пока́нию обрати́ предста́тельства Твоими́.

### Песнь 5

**Ирмос:** Вскúю мя отрину́л еси́/ от лица́ Твоего́, Свéте Незаходимый,/ и покрýла мя ест чужда́я тьма, ока́ннаго,/ но обрати́ мя и к свéту за́поведей Твои́х/ пути́ моя́ напра́ви, молю́ся.

**К** твоéй святы́ни вси припада́ем, Кли́менте, святителю Спáсов,/ умиленными глаго́лы со слезáми вопию́ще:/ не забúди моли́твенники твоя́.

\* на всякое лето — каждый год

**А**нгельское жити́е имѣв на землі, / равную со  
Ангелы честь восприѣмлеши, / с нимиже ны́не  
предсто́я Влады́це, моли́ся о ста́де твоѣм.

**С**вященную слѹ́жбу всегда́ Бо́гу вознося́, / всех  
ко благоче́стию приводи́л еси́ словесы́ духо́вны-  
ми, / ими́же и мене́ озари́, молю́ тя.

**Богородичен:** Ма́тернее дерзнове́ние к Сы́ну  
Твоѣму́ имѹщи, / на спасѣ́ние челове́ков рождѣ́нно-  
му, / не прѣзри моли́тв наших, Пречи́стая, / Тя бо  
по Бо́зе Еди́ну помо́щницу има́мы.

### Ин

**Ирмос:** Нечестивии не у́зрят сла́вы Твое́й,  
Христѣ́, / но мы Тя, Единоро́дне, / Оте́ческия сла́вы  
сия́ние Божества́, / от но́щи у́треннююще, / воспе-  
ва́ем, Человеколю́бче.

**С**илою Ду́ха про́поведь твою́ посе́ял еси́ в слѹ́хи  
лю́бящих суету́, о́тче, / и многопло́дный клас  
благоче́стия собра́л еси́.

**У**мерщвле́ние изволя́я носі́ти Христóво во  
плóти твоѣй всегда́, / жива Сего́ в тебѣ́ имѣ́л еси́, по  
Па́влу, / И́же ты в зѣ́млю живы́х всели́.

**Г**ла́сы твои́х раб приѣ́мля, пребога́те, / изба́ви  
нас от вся́ких болѣ́зней, и обстоя́ний, / и осужде́-  
ния бѹ́дущаго моли́твами твои́ми.

**И**зцелѣ́ний река́ сый, дѣ́вне, / мои́х губи́тельных  
страсте́й течѣ́ние изсуши́ твои́ми моли́твами / и  
слѣ́зными течѣ́нии ду́шу мою́ очисти́.

**Богородичен:** Ма́тернее привѣ́тствие с дѣ́в-  
ством на Тебѣ́ сочета́ся, Чи́стая, / Зижди́теля бо  
родила́ еси́ па́че разумѣ́ния. / Те́мже, Матеро́деву  
Тя разуме́юще, сла́вим.

### Песнь 6

**Ирмос:** Очи́сти мя, Спа́се, / мно́га бо беззакóния  
мо́я, / и из глубины́ зол возведи́, молю́ся, / к Тебѣ́ бо  
возопи́х, и услы́ши мя, / Бо́же спасѣ́ния моего́.

**Т**ученóсен о́блак яви́лся еси́ всем Цѣ́рквам,  
Кли́менте свя́те. / И ны́не моли́ся Влады́це рóсу  
духо́вную изли́яти на нас, певцы́ тво́я.

**С**вѣ́тится Цѣ́рковь О́хридская, труды́ тво́я по-  
чита́ющи, / в ню́же прише́д, сохрани́ от бед  
чествѹ́ющих честну́ю па́мь твою́.

**Я**ко гром, гремя́ громогла́сным язы́ком Небесное учéние, / и яко кимва́л, звяца́я златоза́рными устна́ми, / всю зéмлю огласи́л еси́, блаже́нне Кли́менте, Богогла́се.

**Богородичен:** Не преста́й о нас моля́щися, Богоро́дице Де́во, / яко ве́рным Ты еси́ утвержде́ние и кре́пость Божéственная.

### Ин

**Ирмос:** Пожру́ Ти со гла́сом хвалéния, Гóсподи, / Цéрковь вопиéт Ти, / от бесóвския крóве очи́щшися / ра́ди мило́сти от ребр Твои́х / истéкшею крóвию.

Востéкл еси́, якоже звезда́, осиява́я концы́ словéнския / и к свéту Богопозна́ния возставля́я / стра́стне во тьме невéдения спя́щия.

Намасти́ елеем твои́х заступлéний / гла́вы окружа́ющих честну́ю ра́ку мощéй твои́х / и почита́ющих честна́я тво́я исправлéния.

Погуби́л еси́ еретическое злочéстие, / на Дúха в высоту́ взéмлющее хулéние, / держа́ву же благочестивых догма́т укрепи́л еси́.

Покажи́ мя превы́шша злодéйства злосéрдных, / имаши бо дерзновéние к Влады́це, святителю́ вели́кий, / и буди ми крепча́йшее прибежи́ще.

**Богородичен:** Мило́стива соде́лай Сы́на Твоего́, Богома́ти, / благочéстно Тя, Богоро́дицу, испове́дающим / и пода́ждь нам мило́сти Тво́я пребога́тыя.

**Кондак и икос праздника (зри страницу 335)**

### Песнь 7

**Ирмос:** От Иудéи доше́дше, óтроцы / в Вавилóне иногда́ / ве́рою Трóической пла́мень пéщный попра́ша, пою́ще: / отцéв Бóже, благословéн еси́.

Гроб твой честный со стра́хом обстоя́ще, святителю́, / умилéнным гла́сом вопи́ем ти, / грехóв избавлéние прося́ще.

Не отврати́ лица́ твоего́, блаже́нне Кли́менте, / но моли́ся к Изба́вителю́ Христу́ Бóгу, / да мило́сти Свое́й сподóбит ны.

Простри́ на моли́тву пречестне́и рúце тво́й, Кли́менте свя́те, / и защити́ от всех зол, / укрепля́я и освяща́я нас.

**Богородичен:** Безсе́менно вмести́вши Творца́ во чре́ве Своём / и неизрече́нно роди́вши, / Того́ умоли́ я́ко Ма́ти спасти́ ду́ши на́ша.

### Ин

**Ирмос:** Спасы́й во огни́ Авраа́мския Твоя́ о́троки / и халде́и уби́в, / я́же пра́вда пра́ведно уловля́ше, / Препе́тый Го́споди, Бо́же оте́ц на́ших, / благослове́н еси́.

От ве́ждей твои́х дрема́ние отря́сл еси́, бо́дрствуя в моли́твах, / и неусы́пную стра́жею далече́ от па́стывы твоея́ губи́тели отгна́л еси́, вопи́я: / Бо́же оте́ц на́ших, благослове́н еси́.

Апо́столов лик украша́еши я́ко све́тлый Богоглаго́льник, / страстоте́рпцев мно́жество восполня́еши я́ко без кро́ве му́ченик, / священни́ков собра́ние составля́еши я́ко знаменосный́ святите́ль, вопи́я: / Бо́же оте́ц на́ших, благослове́н еси́.

Не скры́ся от тебе́ и детовождéние младе́нцев, / но и сия́ о́бразом письме́н соверша́л еси́, к благоче́стию вопи́ющия: / Бо́же оте́ц на́ших, благослове́н еси́.

Лю́тыми страстьми́ неистовствующую́ ду́шу мою́, треблаже́нне, / благо́ими дея́ньми лозу́ покажи́, / до́брыя розги́ иму́щую и плоды́ нося́щую, вопи́ющи: / Бо́же оте́ц на́ших, благослове́н еси́.

**Богородичен:** Со́вета Вели́каго А́нгела роди́ Отрокови́ца, / Егóже я́ко А́нгелов Творца́ и челове́ков Спаси́теля сла́вим, глаго́люще: / Бо́же оте́ц на́ших, благослове́н еси́.

### Песнь 8

**Ирмос:** Седмери́цею пещь / халде́йский мучи́тель / благочестивым неистовно разжже́, / си́лою же лу́чшею спасены́, сия́ ви́дев, / Творцу́ и Изба́вителю вопи́яше: / о́троцы, благослови́те, / священни́цы, воспойте, / лю́дие, превозноси́те во вся ве́ки.

Со Безплóтными Си́лами водворя́ясь и Христу́ Бо́гу с ни́ми предсто́я, / помоли́ся о творя́щих честну́ю па́мять твою́, пою́щих: / о́троцы, благослови́те, священни́цы, воспойте, / лю́дие, превозноси́те во вся ве́ки.

**Пр**и́зри на птенцы́, ихже воспитал еси́ под крѡвом твоимъ, / и насладил еси́ словес твоихъ медотѡчныхъ, / и, простеръ рѹце, благослови́ ученики́ твоѧ, поющія: / ѡтроцы, благословите, священницы, воспойте, / лю́дие, превозносите во вся вѣки.

**Вкѹпе** с блаженнымъ Кирилломъ и светозарнымъ Мефѡдиемъ / процвел еси́, якоже на горѣ. / Вкѹпе и моли́теся при́сно о стаде́ вашемъ, воспева́ющемъ: / ѡтроцы, благословите, священницы, воспойте, / лю́дие, превозносите во вся вѣки.

**Богородичен:** **Ма́ти** Бо́жия, Спа́са плѡтию ро́ждшая, / союз нас страсте́й разреши́ / и моли́ся спастися намъ, поющимъ: / ѡтроцы, благословите, священницы, воспойте, / лю́дие, превозносите во вся вѣки.

### Ии

**Ирмос:** **Рѹце** распростеръ, Даниилъ / львовъ зия́ния в ро́ве затче́, / ѡгненную же си́лу угаси́ша, / добродѣтелию препоясавшеся, / благоче́стия рачи́тели / ѡтроцы, взыва́юще: / благословите, вся дела́ Господня, Го́спода.

**Пригвозди́в** себе́ к па́че ума́ благимъ и презрѣвъ ви́димая, / вѣ́шше сил твою́ жизнь соблю́л еси́ / и яви́лся еси́ честный́ сосѹдъ Дѹха, воспева́я: / благословите, вся дела́ Господня, Го́спода.

**Воды́** живы́я вожделѣвъ, яко елѣнь жа́ждущий, / и напивъся, исто́чникъ неисто́щимый был еси́ догма́тов Боже́ственныхъ / и чудесъ ужа́сных вопи́ющимъ: / благословите, вся дела́ Господня, Го́спода.

**Приста́нице** бѹди́ мене, вла́ющемуся в пучи́не житѣ́йстей, / и утиши́ искуше́ний свирѣ́пяя во́лны / призыва́ющему́ тя, предста́теля, и воспева́ющему: / благословите, вся дела́ Господня, Го́спода.

**Богородичен:** **Заре́ю** те́плыхъ Твои́хъ моле́ний / просвети́ потемне́нную страстьми́ мою́ дѹшу, Благода́тная, / и све́томъ пока́яния сы́на мя покажи́ Све́та Умнаго, вопи́юща: / благословите, вся дела́ Господня, Го́спода.

### Песнь 9

**Ирмос:** **Ужасе́ся** о семъ Не́бо, / и земли́ удиви́шася концы́, / яко Богъ яви́ся челове́комъ плѡтски / и чре́во Твое́ бысть пространне́йшее Небесъ, / темъ Тя,



**Богородицу, / Ангелов и человек чиновачалия величают.**

**Не** помяни безчисленных моих грехов, блаженне святителю, / но, простер свыше пречистей руке твоей, / возведи мя, во гресех лежащаго погубельных.

**Тя** молю, Клименте святителю, и руке к тебе простираю, / и слезы испущаю, и колене преклоняю, / прося отпущения безчисленных моих прегрешений молитвами твоими.

**Испроси**, блаженне, с Небес победу на противных враги благочестивым людем, / христоролюбивое же воинство и православный народ избави от всяких зол, / яко да достойно тя ублажаем.

**Богородичен:** Ангелов Творца безсеменно зачещи / и рождши плотию Спаса нашего, / Того прилежно моли, Богородице, / дати нам грехов отпущение, / яко да достойно Тя величаем.

### Ин

**Ирмос:** Камень нерукосечный / от несекомыя горы — Тебе, Дево, / краеугольный отсечеса — / Христос, совокупивый разстоящаяся естества. / Тем, веселящеса, / Тя, Богородице, величаем.

**Глаголы** живота вечнаго вложив освященному твоему стаду, треблаженне, / и совершив е догматами благочестия, / востекл еси в Небесная селения.

**Да** лучшия славы в Вышних сподобишися, / житие на земли показал еси всякаго рабострастия свободное. / Темже и наследие имел еси свободныя митрополии.

**Горе** ты Церковь первородных веселит, треблаженне, / доле же ты прославляет чудес благодать, / юже ти Бог дарова, / прославляемый всегда во святых Своих.

**Тя**, Христова иерарха, светильника церковнаго почитающе, / Клименте Богоносе, гласы песенными молим: / не презри, преподобне, раб твоих молитвы.

**Богородичен:** Усты, душею и сердцем Тя, Богородицу, исповедающих, Дево, / от бед избави и

всякия скорби, / яко имущи дерзновение ко из Тебѣ рождшемуся Господу.

**Светилен, глас 3.**

**Подобен: Небо звездами:**

**Яко солнце, просветивый Церковь твою, мудре, / чудеса источаеши во всю вселенную, / Клименте священне, архиерейская славо.**

**Слава, и ныне, праздника, глас 2.**

**Подобен: Женѣ, услышите:**

**Юже древле предвозвести пророческое сословие: / стамну, и жезл, и скрижаль, и несекому гору — / Марию Богоотроковицу верно да восхвалим, / днесь бо вводится во святая святых воспитатися Господеву.**

**На хвалитех 3 стихиры праздника (зри страницу 340).**

**Ины стихиры, святаго Климента Охридскаго, глас 8.**

**Подобен: О, преславнаго чудесе:**

**Клименте Богомудре, отче наш, / воздержанием плотских страстей / и спротяженным жизни твоей постничеством / ум вперил еси к рачению высокому / Божественнаго незаходимаго Света / и превожделеннаго Небеснаго блаженства, / ихже сладости в причастии всегда был еси, / предстою духом Престолу Всецаря Христа, / Егоже моли, да спасет души наша яко Милосерд.**

**Клименте, Богомудре, отче наш, / святительства одежду от Бога приим, / пастырь добрый града Охридскаго был еси / и люди Господни добре упасл еси, / Болгарию всю к благочестию привед / Божественными словесы и поучении / и чудес преславных показаньи. / Темже ты почитаем, Христа славяще, / Егоже моли, да спасет души наша яко Милосерд.**

**Клименте, Богомудре, отче наш, / солнца светозарнее от запад возсиял еси, / лучи словес твоих выпуская / и концы вселенныя просвещая. / Основание непоколебимое Церкви явился / и столп незыблемь благочестия, / ересей тьму в бегство обратил еси / и Христа православно прославил еси, / Егоже моли, да спасет души наша яко Милосерд.**

**Слава, глас 8:**

**Святителя Христова Климента** вси восхва́лим, / похвалу́ Словенскую и православных утвержде́ние, / Болгаров сла́ву и вселенныя неусы́пнаго предста́теля, / непреста́нно к нему́ глаго́люще: / ра́дуйся, Кли́менте, отце́в священнейше; / ра́дуйся, чудес источниче и изцелений некра́домое сокровище; / ра́дуйся, архиере́ев сла́во и мона́шествующих похвало́. / И ны́не све́тло соверша́ющим честну́ю твою́ па́мять / проси́ согреше́ний проще́ния и спасе́ния душ на́ших.

**И ныне, праздника, глас 2:**

**Днесь** в храм приводится Всенепоро́чная Де́ва, / во оби́телище Всеца́ря Бо́га / и всея́ жи́зни на́шей Пита́теля. / Днесь Чисте́йшая святы́ня, / я́ко триле́тствующая Юница, / во Свята́я святы́х вво́дится. / Той возопи́м, я́коже А́нгел: / ра́дуйся, Еди́на в же́нах благослове́нная.

**Славословие великое и отпуст.****НА ЛИТУРГИИ**

**Блаженны от канона Богородицы, песнь 3-я, и святого, песнь 3-я. Прокимен, глас 1:** Уста́ моя возглаго́лют премудро́сть, / и поуче́ние се́рдца моего́ ра́зум. **Стих:** Услы́шите сия́, вси язы́цы, / внуши́те, вси, живу́щие по вселенней. **Апостол ко Евреям, зачало 318. Аллилуия, глас 2:** Уста́ пра́веднаго поуча́тся премудро́сти, / и язы́к его́ возглаго́лет суд. **Евангелие от Луки, зачало 54. Причастен:** Ча́шу спасе́ния: или: **В па́мять ве́чную бу́дет пра́ведник:**

**Святитель Климент, архиепископ Охридский,** был учеником святых равноапостольных Кирилла и Мефодия (память 11 мая). Вместе со святыми братьями он ходил в Рим. После преставления святителя Мефодия († 885) святой Климент вместе с другими учениками святых братьев просвещал жителей Моравии светом истинной веры на родном языке. Славянским просветителям противостояла сильная латино-немецкая группа миссионеров, действовавших под покровительством папы Стефана VI, запретившего Богослужение на славянском языке. Славянских пропо-

ведников подвергли жестоким истязаниям и изгнанию.

Святой Климент вместе со святыми Наумом и Ангеляром и другими славянскими исповедниками направился в Болгарию, где они с почетом были приняты болгарским князем Борисом († 907) — ревнителем народного просвещения. Много лет святой Климент исполнял высокую должность учителя. В первую очередь святой организовал школу при княжеском дворе, а в юго-западной Македонии создал школы для взрослых и детей. Число учеников святого Климента было огромным: только избран-

ных, принадлежавших к клиру, известно 3500 человек.

В 893 году святой Климент был возведен в сан епископа Дремицы или Велицы, а его должность занял святой Наум. Трудился Святитель во славу Божию до глубокой старости. Он был первым болгарским иерархом, служившим, проповедовавшим и писавшим на славянском языке. В Охриде Святитель основал монастырь, в котором перевел Цветную Триодь. Святитель Климент не только продолжил переводческое дело, начатое святыми Кириллом и Мефо-

дием, но и стал первым славянским писателем. Его писательские труды (похвальные слова и поучения) — первые образцы славянской духовной литературы перешли на Русь, где с любовью читались и переписывались русскими благочестивыми христианами. В 916 году Святитель мирно отошел ко Господу 27 июля. Тело его было положено в гробе, сделанном его собственными руками, и погребено в Охридском Пантелеимоновом монастыре.

Имя святителя Климента встречается в месяцесловах уже с XI века.

